

Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

1789

Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for Inspection Issues

- 6 -05- 2021

Broj: 14-02-04-00637/21  
Sarajevo, April 29. 2021. godine

01 04 151-160

**SKUPŠTINA KANTONA SARAJEVO**  
(Na pažnju , predsjedavajućeg, Elvedina Okerića)

**PREDMET:** *Odgovor na zastupničko pitanje broj: 01-04-151-55/21 od 01.02.2021. godine postavljeno od strane zastupnice Danijele Kristić- dostavlja se;*

**VEZA:** *Zastupničko pitanje broj: 01-04-151-55/21 od 01.02.2021. godine*

Vašim aktom broj i datum veze, zaprimljen dana 02.02.2021.godine, dostavili ste na nadležno postupanje Kantonalnoj upravi za inspekcijske poslove Kantona Sarajevo, zastupničko pitanje koju je pokrenula zastupnica Danijela Kristić a koje glasi:

" *Etažni vlasnici stanova naselja Bulevar na Stupu su me obavijestili da imaju probleme sa vodosnadbjevanjem naselja. Tvrde da ih je KJKP VIKSA obavijestio da naselje nije priključeno na gradsku vodovodnu mrežu, te da će se priključenje realizovati tek kada se naselje priključi na kanalizaciju.*

*Molim Kantonalnu upravu za inspekcijske poslove da izvrši inspekcijski nadzor i utvrdi činjenično stanje odakle se snabdjeva naselje vodom i gdje završavaju otpadne i kanalizacione vode naselja. Također molim KUIP da se shodno članu 147. Zakona o prostornom uređenju KS ("Službene novine KS" , broj 24/17) izvrši nadzor nad radom općinskih i drugih javnih organa koji su vršili tehnički prijem i izdali upotrebnu dozvolu svakoj pojedinačnoj građevini u naselju bez priključka na gradski*



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)  
+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

*vodovod, kao i nadzor ispunjenosti svih drugih zakonskih odredbi po pitanju tehničkog prijema i izdavanja upotrebne dozvole*

*Molim KJKP Vodovod i kanalizacije Sarajevo da me obavijeste o stvarnom činjeničnom stanju u vezi vodosnadbjevanja i kanalizacije naselja Bulevar.*

*Molim Zavod za javno zdravstvo da izvrši analizu vode koju piju stanovnici naselja.*

*Molim Ured za borbu protiv korupcije i upravljanja kvalitetom da u okviru svoje nadležnosti ispita postupanje svih javnih organa (Kantonalne uprave za inspekcijske poslove, Općina Ilidža) koji su na bilo koji način učestvovali u tehničkom prijemu i izdavanju upotrebne dozvole za sve građevine naselja, kao i kontroli pomenutih procesa ".*

U odnosu na postavljena pitanja, dostavljamo odgovor kao u nastavku.

Dana 05.02.2021. godine Inspektoratu urbanističko-građevinske, ekološke, komunalne i stambene inspekcije dostavljen je na nadležno postupanje akt Skupštine Kantona Sarajevo broj: 01-04-151-55/21 od 01.02.2021. godine kojim se KUIP-e dostavlja na nadležno postupanje naprijed navedeno pitanje zastupnice Danijele Kristić.

Odmah po zaprimanju zastupničkog pitanja glavni inspektor Inspektorata urbanističko-građevinske, ekološke, komunalne i stambene inspekcije je formirao Tim inspektora za inspekcijski nadzor na tražene okolnosti kojeg čine 1 komunalni i 2 urbanističko-građevinska inspektora (koja su ranije vodila nadzor nad općinskom inspekcijom vezano za izgradnju objekta na navedenom lokalitetu). S obzirom na iznijetu problematiku, određeno je da Tim predvodi kantonalni komunalni inspektor, a da se o provedenom postupku, utvrđenom stanju i poduzetim mjerama podnosiocima zahtjeva dostavi zbirna informacija.

Na osnovu činjenica koje su ovi inspektori utvrdili tokom postupaka, došlo je do dodatnog proširenja Tima, tako da su se u rad po navedenom zahtjevu uključile još tri inspekcije: vodna inspekcija, inspekcija za hranu i inspekcija zaštite okoliša. Svi postupajući inspektori su odmah pokrenuli postupke inspekcijskog nadzora shodno zakonom određenim nadležnostima.

Shodno svemu naprijed navedenom, o provedenim postupcima, utvrđenom stanju i poduzetim mjerama dostavljamo informacije inspekcija koje su učestvovale u radu Tima KUIP-e povodom dostavljenog zastupničkog pitanja, kako slijedi:

#### **1. Informacija kantonalne komunalne inspekcije:**

Postupajući u skladu sa odredbama člana 46. Zakona o inspekcijama Kantona Sarajevo („Sl.novine Kantona Sarajevo“, br.02/17), kantonalni komunalni inspektor je 08.02.2021.godine, istog dana kada je i zaprimio predmet - zastupničko pitanje, u cilju zaštite javnog interesa u komunalnim djelatnostima, uputio zahtjev za postupanjem i dostavom informacije KJKP "Vodovod i kanalizacija" d.o.o.Sarajevo, kao davaocu komunalne usluge, da ovom Inspektoratu u hitnom postupku u roku dva dana, dostavi potpunu informaciju vezano za snabdijevanje vodom za piće naselja Bulevar u ul.Džemala Bijedića St.bb, kao i način obrade i odvođenja otpadnih voda iz naselja Bulevar u ul.Džemala Bijedića St.bb. Nadalje, zatraženo je da KJKP "Vodovod i kanalizacija" d.o.o.Sarajevo u istom roku izvijesti ovaj Inspektorat, da li je izdao saglasnost za priključenje građevina u naselju Bulevar na centralni vodovodni sistem, prema opštim i tehničkim



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

uslovima davoca usluge i da li je projektna dokumentacija urađena na osnovu datih tehničkih uslova, odnosno da li je investitor ispunio uslove iz saglasnosti za priključenje građevina, na osnovu čega je i izvršen tehnički prijem građevina i izdata upotrebna dozvola nadležnog organa.

Postupajući po ovom zahtjevu, KJKP „Vodovod i kanalizacija“ d.o.o.Sarajevo“, je ovom organu dostavila akt br.970/21 od 15.02.2021.godine, koji je u biti odgovor na zastupničko pitanje koje je i njima dostavljeno, vezano za okolnosti priključenja na vodovodnu i kanalizacionu mrežu stambeno-poslovnog objekta Bulevar na Stupu, kojim informiše sljedeće :

*„Vodosnabdijevanje stambeno-poslovnog objekta Bulevar na Stupu, trenutno je obezbijeđeno putem tzv.gradilišnog priključka, koji je investitor dobio u skladu sa zahtjevom za isti, a koji je izveden za potrebe korištenja vode tokom izgradnje objekata. Kontrolom nadležnih službi KJKP"ViK"-a utvrđeno je da se dio stanova i poslovnih prostora koji su useljeni, snabdijeva vodom sa ovog priključka, bez odobrenja KJKP "ViK"-a, uz napomenu da investitor redovno izmiruje obaveze po osnovu ispostavljenih računa.*

*Predviđeno je priključenje na vodovodnu mrežu u ul.Džemala Bijedića, gdje se nalazi cjevovod koji po svom kapacitetu odgovara zahtijevanim potrebama objekta, a sve prema trasama definiranim u glavnom projektu. Projektovani cjevovodi su izvedeni, čime su stvoreni uslovi za priključenje na vodovodnu mrežu objekta Lamela A1-A6.*

*Priključenje objekata na vodovodnu mrežu se može izvršiti tek nakon priključenja na kanalizacionu mrežu, a sve prema članu 23.Uredbe o opštim uslovima za snabdijevanje vodom za piće, obradu i ovođenje otpadnih i atmosferskih voda("Sl.novine KS", br.22/16).*

*Priključenje na kanalizacionu mrežu Lamela A1-A6 stambeno-poslovnog objekta Bulevar, predviđeno je u ul.Stupska i to na postojeći javni fekalni kanal i na novoprojektovani atmosferski kanal, a sve prema trasama definiranim u glavnom projektu, koji je ovjeren od strane KJKP"ViK"-a. Za izradu projektovanog atmosferskog kanala DN 700 mm, u postupku je obezbijeđenje neophodne dokumentacije (urbanistička i građevinska dozvola).*

*Nakon zahtjeva investitora za priključenje na kanalizacionu mrežu, nadležne službe KJKP"ViK"-a su utvrdile da je izvođač radova izvršio samoinicijativno priključenje na postojeći fekalni kanal u ul.Stupska, o čemu je sačinjen zapisnik. Dakle priključenje objekata na javnu vodovodnu i kanalizacionu mrežu izvršiti će se nakon okončanja radova na izgradnji kanalizacione mreže.*

Dakle, u aktu KJKP „Vodovod i kanalizacija“ d.o.o. Sarajevo br.970/21 od 15.02.2021.godine navodi se da je vodosnabdijevanje stambeno-poslovnog objekta Bulevar na Stupu trenutno obezbijeđeno putem tzv.gradilišnog priključka, koji je investitor dobio u skladu sa zahtjevom za isti, a koji je izveden za potrebe korištenja vode tokom izgradnje objekata. Kontrolom nadležnih službi je utvrđeno da se dio stanova i poslovnih prostora koji su useljeni, snabdijeva vodom sa ovog priključka, bez odobrenja KJKP "ViK"-a, uz napomenu da investitor redovno izmiruje obaveze po osnovu ispostavljenih računa. Predviđeno je priključenje na vodovodnu mrežu u ul.Džemala Bijedića, gdje se nalazi cjevovod koji posvom kapacitetu odgovara zahtijevanim potrebama objekta, a sve prema trasama definiranim u glavnom projektu. Projektovani cjevovodi su izvedeni, čime su stvoreni uslovi za priključenje na vodovodnu mrežu objekta Lamela A1-A6. Priključenje na kanalizacionu mrežu Lamela A1-A6 stambeno-poslovnog objekta Bulevar, predviđeno je u ul.Stupska i to na postojeći javni fekalni kanal i na novoprojektovani atmosferski kanal, a sve prema trasama definiranim u glavnom projektu, koji je ovjeren od strane preduzeća. Za izradu projektovanog atmosferskog kanala DN 700 mm, u postupku je obezbijeđenje



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

neophodne dokumentacije (urbanistička i građevinska dozvola). Nakon zahtjeva investitora za priključenja na kanalizacionu mrežu, nadležne službe KJKP"ViK"-a su utvrdile da je izvođač radova izvršio samoinicijativno priključenje na postojeći fekalni kanal u ul.Stupska, o čemu je sačinjen zapisnik.

Na osnovu iznesenih navoda iz predmetnog akta KJKP"ViK"-a i primjenom pozitivnih pravnih propisa kojima je defisana tretirana upravna oblast, kantonalni komunalni inspektor obavještava sljedeće:

Shodno odredbama člana 38. Zakona o komunalnim djelatnostima ("Sl.novine KS", br.14/16, 43/16, 19/17, 20/18 i 22/19), definisano je priključenje građevine na komunalnu infrastrukturu, na način: *...Vlasnik građevine dužan je priključiti svoju građevinu na komunalnu infrastrukturu pod uslovima utvrđenim propisima koji regulišu oblast prostornog uređenja i građenja, kao i drugim propisima.*

Shodno odredbama člana 83. stav 3. tačka d) Zakona o prostornom uređenju Kantona Sarajevo ("Sl.novine KS", br.24/17 i 1/18), definisano je pitanje odobravanja i izvođenja pripremnih radova, na način *....Odobrenje za pripreme radove donosi se na osnovu potrebne suglasnosti nadležnih institucija za privremene gradilišne priključke na komunalnu infrastrukturu i javni put.* U članu 83.stav 5. istog zakona propisano je da *...odobrenjem za pripreme radove određuje i rok, u kojem se građevine izgrađena na osnovu tog odobrenja moraju ukloniti, a u članu 164.stav 1.tačka d), propisana je novčana kazna za investitora ako postupi suprotno odredbama člana 83.stav 5.ovog zakona.*

Dakle, prema informacijama davaoca usluge KJKP"Vodovod i kanalizacija" d.o.o.Sarajevo, investitor stambeno-poslovnog objekta nije priključio objekat na vodovodni sistem, u smislu kako je to propisano odredbama Uredbe o opštim uslovima za snabdijevanje vodom za piće, obradu i odvođenje otpadnih i atmosferskih voda ("Sl.novine Kantona Sarajevo", br.22/16), iako je investitor posjedovao urbanističku, građevinsku i upotrebnu dozvolu i izdatu suglasnost sa uslovima priključenja KJKP"ViK"-a.

S tim u vezi evidentno je da je KJKP "ViK", kao davalac usluge, bio upoznat sa načinom snabdijevanja vodom za piće dijela stanova i poslovnih prostora naselja Bulevar, jer navode da je investitor izmirivao obaveze po osnovu ispostavljenih računa, što implicira na prećutan dogovor o privremenom vodosnabdijevanju između KJKP"ViK"-a i investitora, te se postavlja pitanje zašto KJKP"ViK", kao davalac usluge nije poduzeo neophodne radnje iz dijela svoje nadležnosti, ako je konstatovao da se dio objekta snabdijeva vodom sa gradilišnog priključka, a bez odobrenja KJKP"ViK"-a.

Dalje, nejasno je postupanje KJKP"ViK"-a u dijelu koji se odnosi na priključenje navedenog objekta na kanalizacionu mrežu. U predmetnom aktu se navodi da nakon zahtjeva investitora za priključenje na kanalizacionu mrežu, nadležne službe preduzeća su izlaskom na teren utvrdile da je izvođač radova izvršio samoinicijativno priključenje na postojeći fekalni kanal u ul.Stupska, o čemu je sačinjen zapisnik, te se postavlja pitanje zašto KJKP "ViK" kao davalac usluge nije poduzeo potrebne mjere iz dijela svoje nadležnosti, u cilju spriječavanja ovakvih intervencija na komunalnoj infrastrukturi, odnosno zašto nije o tome izvijestio nadležne inspeksijske organe.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Na osnovu saznanja ovog Inspektorata navedeni stambeno-poslovni objekat Bulevar na Stupu, posjeduje sve neophodne saglasnosti za priključenje građevine na vodovodni sistem, a prema opštim i tehničkim uslovima davanja usluge, na osnovu kojih je izdata urbanistička suglasnost, odobrenje za građenje i odobrenje za upotrebu građevine, a na osnovu izvještaja komisije za tehnički prijem objekta, te nije jasno kako je komisija za tehnički prijem objekta mogla primiti isti, bez da je izvršena provjera priključaka predmetnog objekta na komunalnu infrastrukturu.

S tim u vezi, napominje se da je shodno odredbama Zakona o prostornom uređenju Kantona Sarajevo ("Sl.novine KS", br.24/17 i 1/18) definisano sljedeće:

Član 118...*Tehničkim pregledom utvrđuje se da je građevina izgrađena odnosno da su zahvati u prostoru izvršeni u skladu sa odobrenjem za građenje, tehničkom dokumentacijom na osnovu koje je doneseno odobrenje za građenje, tehničkim propisima i normativima, kao i uvjetima za građevinu utvrđenim posebnim propisima.*

Član 121....*Odobrenje za upotrebu donosi se u formi rješenja, na osnovu pozitivne ocjene iz zapisnika komisije za tehnički pregled u roku od osam dana od dana dostave zapisnika o tehničkom pregledu.*

Član 173....*Novčanom kaznom u iznosu od 1.500 do 3.000 KM kaznit će se za prekršaj fizičko lice ako kao član komisije za tehnički pregled obavi tehnički pregled suprotno odredbama ovog zakona i drugih propisa (član 119. stav (4) ovog zakona).*

Član 147.... *Općinski urbanističko-građevinski inspektor vrši inspeksijski nadzor nad; e) izgradnjom i korištenjem građevina i drugih zahvata u prostoru za koje odobrenje za građenje donosi nadležna općinska služba.*

O svemu naprijed navedenom, postupajući kantonalni komunalni inspektor je 16.02.2021. godine sačinio informaciju, na kraju koje se navodi sljedeće:

*Sve navedeno implicira na aktivnosti nadležnih službi Općine Ilidža, kao izdavaoca odobrenja za građenje i odobrenja za upotrebu građevine i inspeksijskog nadzora nad izgradnjom i korištenjem građevina, KJKP "Vodovod i kanalizacija" d.o.o. Sarajevo, kao davaoca usluge i investitora građevine u naselju Bulevar na Stupu, bez razumnog opravdanja, koje nisu u skladu sa pozitivnim-pravnim propisima u predmetnoj upravnoj oblasti." Istovremeno, postupajući inspektor poziva... da se u cilju osiguranja zakonitosti i zaštite javnog i privatnog interesa o naprijed navedenom blagovremeno izvijesti Ured za borbu protiv korupcije i upravljanje kvalitetom Kantona Sarajevo.*

Pored toga, u cilju zaštite javnog interesa u komunalnim djelatnostima, postupajući kantonalni komunalni inspektor, je poduzeo i sljedeće :

- aktom br:UP-1-14-06/11-19.5-02553/21 od 17.02.2021.godine, naložio je KJKP "Vodovod i kanalizacija" d.o.o. Sarajevo, da u hitnom postupku poduzme sve neophodne radnje i mjere u skladu sa odredbama člana 5. Zakona o komunalnim djelatnostima ("Sl.novine KS" br.14/16, 43/16, 19/17, 20/18 i 22/19) i odredbama člana 6. Uredbe o opštim uslovima za snabdijevanje vodom za piće, obradu i odođenje otpadnih i atmosferskih voda ("Sl.novine KS", br.22/16), na zaštiti vodovodnog sistema koji obuhvata sve objekte, uređaje i druga postrojenja za zahvatanje, prečišćavanje i distribuciju pitke vode na predmetnoj lokaciji, kojim upravlja kao davalac komunalne usluge, sa posebnom pažnjom na snabdijevanje pitkom vodom stambeno-poslovnog objekta Lamela A1-A6 Bulevar na Stupu, sa tzv.gradilišnog priključka, kao i da ovom Inspektoratu hitno dostave zapisnik sa utvrđenim činjeničnim stanjem njihove nadležne službe, o



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

samoinicijativnom priključenju na postojeći javni fekalni kanal u ul. Stupska, izvođača radova na navedenom objektu Bulevar na Stupu, radi provođenja daljih inspeksijskih radnji ovog Inspektorata na utvrđivanju činjeničnog stanja i izvršavanja zakona i drugih propisa kod subjekta nadzora.

Iz razloga što je predmetno zastupničko pitanje upućeno i Zavodu za javno zdravstvo Kantona Sarajevo, kantonalni komunalni inspektor je poduzeo i sljedeće : - aktom od 16.02.2021.godine, predmetnu informaciju je dostavio na nadležno postupanje Inspektoratu sanitarne, zdravstvene i farmaceutske inspekcije i inspekcije za hranu ove Uprave, u cilju osiguravanja zaštite zdravlja i života građana i provjere zdravstvene ispravnosti vode za piće, shodno odredbama Pravilnika o zdravstvenoj ispravnosti vode za piće ("Sl.glasnik BiH", br.40/10, 43/10, 30/12 i 62/17), vezano za mikrobiološku i fizičko-hemijsku ispravnost vode za piće na predmetnoj lokaciji, kao i poduzimanja mjera za zaštitu vode za piće stambeno-poslovnog objekta Bulevar na Stupu-stalna kontrola kvaliteta vode za piće i nadzor nad vodom za piće.

Pored toga, kantonalni komunalni inspektor je primjenom pozitivno-pravnih propisa kojima je definisana predmetna upravna oblast, u skladu sa odredbama člana 147. stav 3., a u vezi sa članom 83. stav 3. i 5. tačka d) Zakona o prostornom uređenju Kantona Sarajevo ("Sl.novine Kantona Sarajevo", br.24/17 i 1/18), a s obzirom da inspeksijski nadzor nad izgradnjom i korištenjem građevina i drugih zahvata u prostoru za koje odobrenje za građenje donosi nadležna općinska služba, vrši općinski urbanističko-građevinski inspektor, poduzeo sljedeće:

- aktom br: UP-1-14-06/11-19.5-02553/21 od 19.02.2021.godine, predmetnu informaciju vezano za priključenje na vodovodnu i kanalizacionu mrežu stambeno-poslovnog kompleksa Bulevar na Stupu, dostavio je Službi za inspeksijski nadzor Općine Ilidža, na postupanje u domenu njihove nadležnosti.

U cilju davanja ažurne zbirne timske informacije o postupanju KUIP-e u ovom predmetu, dana 14.04.2021. godine izvršen je uvid u bazu Lotus - spis broj : UP-1-14-06/11-19.5-02553/21 i raspoloživu dokumentaciju KUIP-e, nakon čega je utvrđeno sljedeće :

- Do 14.04.2021. godine KJKP „Vodovod i kanalizacija“ nije dostavio povratnu informaciju na dopis ove inspekcije broj: UP-1-14-06/11-19.5-02553/21 od 17.02. (dostavnica 23.02.2021.godine). Kako tražena informacija nije dostavljena u ostavljenom roku niti naknadno, KUIP-e je istog dana uputio urgenciju prema KJKP „Vodovod i kanalizacija“.

Postupajući po urgenciji, KJKP „Vodovod i kanalizacija“ je ovom organu dostavio akt broj 2237/21 od 15.04.2021.godine, u kojem se navodi sljedeće :  
*„U vezi vašeg zahtjeva broj: UP-1-14-06/11-19.5-02553/21 u prilogu dostavljamo Zapisnike Odjela za kontrolu i nadzor KJKP „ViK“ doo Sarajevo koji su izvršili kontrolu stambeno-polovnog kompleksa u izgradnji, investitor Bulevar, u Ulici Stupska. Prilikom kontrole je ustanovljeno da se voda koristi sa gradilišnog priključka koji je registrovan u bazi potrošača sa šifrom 395940. Takođe je utvrđeno da su kanali sekundarne kanalizacione mreže priključeni na kolektor FPC 300 mm u ulici Stupska. Atmosferski kanal profila DN 700 ispod glavne saobraćajnice Džemala Bijedića, prema ulici Nikole Šopa nije izgrađen. Shodno Pravilniku o postupanju neovlaštenog korištenja komunalne usluge predstavniku Investitora ostavljen je Zapisnik broj: 0001333, od 10.02.2021. godine. Troškovi koji su nastali za izvršeno ispitivanje funkcionalnosti vodovodne i kanalizacione mreže u ul. Stupska, fakturirani su SPO Bulevar.*



web: <http://kuiip.ks.gov.ba>, mail: [kuiip@kuiip.ks.gov.ba](mailto:kuiip@kuiip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Na osnovu usmenog zahtjeva kantonalnog inspektora za hranu dana 02.03.2021. godine izvršeno je uzorkovanje vode u izgrađenom SPO Bulevar od strane uposlenika nadležne službe našeg preduzeća. Dana 04.03. usmeno je obaviješten nadležni komunalni inspektor da je izvršena analiza i da nalazi vode zadovoljavaju kriterije Pravilnika o zdravstvenoj ispravnosti vode za piće. O istom je sastavljeni Zapisnik o inspeksijskom nadzoru koji Vam dostavljamo u prilogu. Prilog: nalog za kontrolu neovlaštene potrošnje br. 36282 od 09.02.2021. godine; Zapisnik o neovlaštenom korištenju komunalne usluge broj 0001333 od 10.02.2021. godine i Zapisnik o inspeksijskom nadzoru broj: UP-14-10-33-03783/21.

Pored naprijed navedenog, uvidom u spis, utvrđeno je i sljedeće:

-Povodom dopisa KUIP-e upućenih urbanističko-građevinskoj inspekciji Općine Ilidža, dana 08.03.2021. godine zaprimljena je informacija od 25.02.2021. godine a zatim i dopis od 15.04.2021. godine u kojem informišu o provedenom inspeksijskom nadzoru, o čemu je detaljnije navedeno u informaciji kantonalne urbanističko-građevinske inspekcije.

- Povodom dopisa ove inspekcije od 22.02.2021. godine koji je naslovljen Inspektoratu sanitarne, zdravstvene i farmaceutske inspekcije i inspekcije za hranu ove Uprave, inspekcija za hranu je pokrenula postupak i dostavila odgovor koji je sastavni dio ove informacije.

Inspeksijski postupak kantonalne komunalne inspekcije je u toku i nastaviće se po povratku postupajućeg inspektora sa bolovanja. O dalje provedenom postupku biće dostavljena informacija.

## **2. Informacija kantonalne urbanističko-građevinske inspekcije:**

Kantonalna urbanističko-građevinska inspekcija je na osnovu sadržaja dostavljene zastupničke inicijative utvrdila da u skladu sa odredbama člana 147. stav 1. Zakona o prostornom uređenju Kantona Sarajevo ("Sl.novine Kantona Sarajevo" br. 24/17 i 1/18) nije nadležna za prvostepeni nadzor nad predmetnim objektima.

Shodno naprijed navedenom, a u skladu sa članom 147. stav 1. tačka f. u vezi članom 147. stav 3. Zakona o prostornom uređenju Kantona Sarajevo ("Sl.novine Kantona Sarajevo" br. 24/17 i 1/18) i članom 87.stav 2. Zakona o organizaciji organa uprave u Federaciji BiH ("Sl. novine FBiH" br.35/05) predmetna inicijativa je odmah 08.02.2021. godine dostavljena Službi za inspeksijski nadzor Općine Ilidža na dalji postupak i nadležnost, te je zatraženo da ovom organu u ostavljenom roku dostave ažurnu informaciju o provedenom postupku, utvrđenom stanju i eventualno poduzetim mjerama na okolnosti iz zastupničke inicijative.

Kako u traženom roku općinska urbanističko-građevinska inspekcija nije dostavila informaciju ova inspekcija je uvažavajući složenost problematike i kompleksnost inspeksijskog nadzora uputila je akt urgenciju broj: UP-1-14-06-19.1-02550/21 od 22.02.2021.godine.

Postupajući po traženom stvarno nadležni općinski urbanističko-građevinski inspektor Općine Ilidža je dostavio ovom organu informaciju br:15-19-1859/21 od 25.02.2021.g. na osnovu koje je utvrđeno :



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Općinski urbanističko-građevinski inspektori Općine Ilidža su izvršili inspekcijski nadzor povodom zastupničke inicijative zastupnice Danijele Kristić. u vezi vodosnabdjevanja naselja "Bulevar" u ul. Džemala Bijedića bb, na Stupu, u Ilidži.

Konstatovano da su za objekte A1, A2, A3, A4, A5, A6, B1, B2, B3 završeni tehnički pregledi i izdate upotrebne dozvole za navedene objekte, od nadležne općinske službe, gdje je konstatovano da su navedeni objekti priključeni na gradski vodovod i gradsku separatnu kanalizaciju u skladu sa ovjerenom projektom dokumentacijom i tehničkim uslovima i saglasnostima KJKP "vodovod i kanalizacija" Sarajevo.

U prilogu informacije dostavljen je zapisnik o izvršenom inspekcijskom nadzoru broj: 15-19-SL/21 od 25.02.2021godine i izvještaj komisije za tehnički pregled o izvršenom tehničkom pregledu za objekate A1, A2, A3,A4, A5, A6, B1, B2, B3 stambeno poslovnog kompleksa BULEVAR koji je obavljen 15.10.2019.godine -11.11.2019.godine.

Zapisnik o izvršenom inspekcijskom nadzoru broj: 15-19-SL/21 od 25.02.2021 godine sačinjen je u prostorijama Službe za inspekcijski nadzor uz prisustvo predstavnika investitora Smajić Eldina. Predstavnik investitora je izjavio da je u periodu od juna 2020.g. pa do sredine januara 2021. godine za snabdjevanje vode kupljenim stanovima služio je dovod vode sa gradilišnog priključka, ostvarenog preko 3 cisterne izrađene od inox lima ukupne zapremine od 1000 l , za koje je investitor pribavio mikrobiološki nalaz vode, i isti odgovora sanitarnim uslovima vode za piće. Isto je urađeno iz razloga da se premesti faktor istovremenosti potrošnje vode za period od ulaska novih kupaca stanova do rješavanja konačnog priključka vode za svaki objekat sa po 3 lamele. Prema izjavi predstavnika, investitor je cijeli period od 5-6 mjeseci, snosio troškove potrošnje vode i el. energije umjesto stanara, iz razloga da se zadovolje potrebe kupaca, odnosno da stanovi ne budu bez struje i vode u međuperiodu do puštanja u rad pojedinačnih vodomjera i el.brojila po okončanom teh.pregledu, te preuzimanja obaveze vlasnika stanova za plaćanja komunalnim preduzećima .

Budući da investitor u pomenutom periodu nije mogao usaglasiti konačnu verziju uslovljenog vodovoda sa KJKP „Vodovod i kanalizacija" o trasi i mjestu priključka na odgovarajući profil, tako je konačno usvojeno rješenje snabdjevanje kompletnog naselja iz ulice Jozef Penave uslovljenog cjevovoda sa čeličnom cijevi DN 500 mm te napajanje profilom DN 200 mm i DN 150 mm za svaki objekat (koji se satoji iz 3 lamele) sa odvajanjem sanitarne i hidrantske mreže sa pripadajućim vodomjerima. Realizacija istog se uradila na osnovu odobrenja za rekonstrukciju i izgradnju javne vodovodne mreže broj; 03-19-6373/20Lj od 09.12.2020. g. Predočen je Glavni projekat vanjske vodovodne mreže izrađen u augustu 2019. godine, data saglasnost od strane teh.službe „Vodovoda" na projekat dana 18.05.2020.g. a projekat ovjeren od općinske službe dana 09.12.2020.g. da bi se radovi izvodili u decembru 2020. i januaru 2021. godine.

Sa danom vršenja inspekcijskog nadzora objekti: lamele A1, A2 i A3; lamele A4,A5 i A6 i potom lamele B1, B2 i B3, prema izjavi predstavnika investitora i datim fotografijama u postrojenjima, objekti su priključeni na odgovarajuće glavne vodomjere za sanitarnu i hidrantsku vodu, a razvod vode urađen prema izometrijskim šemama izvedbenih projekata lamela, i distribucija vode ide preko pojedinačnih vodomjera, povezanih preko M-BUS centrale, za svaki stan pojedinačno na svakoj etaži.

Objekti su priključeni na separatnu - fekalnu i kišnu kanalizaciju koja je urađena u periodu 2012 -2014. godine, i isti su u funkciji, urađeni prema uslovima KJKP „Vodovod i kanalizacija".



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb



Nadležni organ, Služba za urbanizam Općine Ilidža je Rješenjima br:03-23- 5136/19 od 30.09.2019.g, br:03-23-5134/19 od 09.10.2019.g, br:03-23-5137/19 od 09.10.2019.g, br:03-23-5136/19 od 30.09.2019.g, br: 03-23-831/20 od 24.02.2020.g., br:03-23-832/20 od 24.02.2020.g, br:03-2-2513/20 od 11.06.2020.g, br:03-2-2514/20 od 11.06.2020.g, br:03-2-2515/20 od 11.06.2020.g. imenovala komisiju za tehnički pregled građevina za objekte A1, A2, A3, A4, A5, A6, B1, B2, B3 stambeno poslovnog kompleksa BULEVAR.

Član komisije za hidrotehničku fazu za objekte A1, A2, A3, A4, A5, A6, B1, B2 i B3 stambeno poslovnog kompleksa BULEVAR u svojim izvještajima o tehničkom pregledu objekata daje pozitivno stručno mišljenje za izvedene radove na izgrađenim stambeno poslovnim objektima lamela A1, A2, A3, A4, A5, A6, B1, B2 i B3 koji se nalaze u ul. Stupska (Dobrinjska) Općina Ilidža, čiji je investitor "BULEVAR" d.o.o.Kiseljak, te nadležnoj općinskoj službi predlaže da po pitanju hidrotehničke faze može izdati upotrebnu dozvolu.

Služba za urbanizam Općine Ilidža na osnovu pozitivne ocjene svih članova iz zapisnika komisije za tehnički pregled donijela je Rješenja za upotrebu broj: 03-23-5136/19 od 14.11.2019.godine, broj: 03-23-5134/19 od 14.11.2019.godine, broj: 03-23-5137/19 od 14.11.2019.godine, broj:03-23-2513/20 od 27.08.2020.godine, broj: 03-23-2514/20 od 27.08.2020.godine, broj: 03-23-2515/20 od 27.08.2020.godine, broj:03-23-828 /20 od 08.04.2020.g., broj:03-23-831 /20 od 08.04.2020.g., broj:03-23-831 /20 od 08.04.2020.g

U vezi sa naprijed navedenim kantonalna urbanističko-građevinska inspekcija je zatražila od općinske inspekcije da u skladu sa utvrđenim nastavi i upotpuni pokrenuti postupak nadzora i o istom dostavi informaciju (posebno vezano za činjenicu da postoji pozitivno mišljenje člana komisije a da je objekat priključen na gradilišni priključak, te činjenicu da u izvještaju člana komisije za hidroinstalacije ne postoji dokazi da su ispunjeni uslovi iz saglasnosti JKP "Vodovod i kanalizacija " za priključenje građevine kao ni dokaz da li je davalac usluge JKP "Vodovod i kanalizacija " izvršio priključenje objekata).

U cilju daljeg ispravnog vođenja postupka nadzora i pružanja informacije Uredu kantonalna urbanističko-građevinska inspekcija je dana 14.04.2021. godine urgirala kod općinskog organa da hitno dostavi ažurnu informaciju o daljem toku postupka.

Dana 15.04.2021. godine ovom organu dostavljena je informacija broj: 15-19-859/2-21 od 15.04.2021., kojom se dostavlja informacija o nastavku inspekcijskog nadzora u vezi priključaka za vodu u naselju "Bulevar"na Stupu, i u kojoj se navodi sljedeće:

*Po zahtjevu KUIP-e općinski urbanističko-građevinski inspektori su nastavili pokrenuti inspekcijski nadzor. Inspektori su zatražili obilazak prostorija gdje se nalaze vodomjeri. Dana 02.04.obavljen je nadzor za lamele A1, A2 i A3 i lamela A4, A5 i A6 a za objekat B1,B2 i B3 priključenje je tek u toku. Inspektori su tražili zapisnik o priključenju objekata na gradsku vodovodnu mrežu , ali investitor nije predočio nikakav pismeni dokaz priključenja, prema navodima da KJKP "Vodovod i kanalizacija" osim uplate predračuna za priključke ne izdaju zapisnike, radne naloge i sl. Shodno tome, Služba za inspekcijski nadzor je pozvala ovlašteno lice ispred KJKP "Vodovod i kanalizacija" da prezentuje sve potrebne pisane dokaze o priključenju objekata naselje "Bulevar " A1-A3, A1-A6 , B1-B6 na vodovodnu mrežu.*



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Istovremeno, u informaciji napominju... *da općinska Služba za inspekcijske poslove radi u smanjenom obimu zbog novonastale epidemiološke situacije u Kantonu Sarajevo i s tim u vezi mole ovaj organ za razumijavanje.*

U prilogu informacije nalazi se *kopija poziva subjektu nadzora KJKP "Vodovod i kanalizacija" za 20.04.2021. godine.*

Na osnovu naprijed navedenog utvrđeno je da se inspekcijski postupak urbanističko-građevinske inspekcije Općine Ilidža u ovom predmetu nastavlja po službenoj dužnosti, te da je predmetni poziv KJKP "ViK" upućen u cilju utvrđivanja svih bitnih činjenica u predmetu inspekcijskog nadzora.

Shodno svemu naprijed navedenom, kantonalna urbanističko-građevinska inspekcija nastavlja voditi inspekcijski nadzor nad radom općinske urbanističko-građevinske inspekcije na način da je od općinske urbanističko-građevinske inspekcije zatraženo da nastave postupak inspekcijskog nadzora shodno utvrđenom stanju, odnosno da postupak po potrebi prošire shodno odgovorima vodne i ekološke inspekcije Kantona Sarajevo kao i vezano za sve dalje eventualno utvrđene nepravilnosti, kao i da o provedenom postupku, utvrđenom činjeničnom stanju i eventualno poduzetim mjerama, odmah dostave informaciju ovom organu.

Takođe, obavještavamo Vas da je ova inspekcija je, nakon izvršenog uvida u raspoložive podatke i dokumentaciju, poduzela sljedeće:

a) Zastupničko pitanje dostavljeno je na eventualno postupanje kantonalnoj inspekciji zaštite okoliša ovog Inspektorata, iz razloga utvrđivanja da li je za predmetne objekte u okviru naselja Bulevar bilo potrebno pribaviti okolinsku dozvolu Ministarstva prostornog uređenja, građenja i zaštite okoliša KS.

- Tim povodom inspekcija zaštite okoliša dostavila je odgovor koji je sastavni dio zbirne informacije. Za dalje postupanje nadležne općinske urbanističko-građevinske inspekcije, a samim tim i nadzor kantonalne inspekcije, potrebno je sačekati ishod pokrenutog postupka inspekcije zaštite okoliša odnosno sačekati da se bez sumnje utvrde sve činjenice vezano za nadležnosti izdavanja okolinske dozvole.

b) Zastupničko pitanje dostavljeno je na eventualno postupanje vodnoj inspekciji Inspektorata poljoprivredne, vodne i šumarske inspekcije, a iz razloga utvrđivanja da li je predmetne objekte bilo potrebno pribaviti vodne akte ( vodnu saglasnost, vodnu dozvolu) Ministarstva privrede Kantona Sarajevo.

- Tim povodom vodna inspekcija je dostavila odgovor koji je sastavni dio zbirne informacije. Prednje navedeno je poduzeto u cilju blagovremenog i preventivnog sprečavanja povreda zakona i drugih propisa, sprečavanja nastajanja štetnih posljedica i otklanjanja uzroka koji bi doveli do štetnih posljedica u cilju zaštite javnih interesa, a postupajući u skladu sa odredbom člana 266. stav 3. Zakona o upravnom postupku ("Sl.novine Federacije BiH" br 2/98 i 48/99) kojom je propisano da je ... *Organ koji sazna za rješenje kojim je povrijeđen zakon, a povreda može biti razlog za obnovu postupka, odnosno za poništavanje, ukidanje ili mijenjanje rješenja, dužan je bez odgađanja da o tome obavijesti organ nadležan za pokretanje postupka i donošenje rješenja.*

Inspekcijski postupak kantonalne urbanističko-građevinske inspekcije je u toku, odvija se kontinuirano i prati aktivnosti općinske inspekcije.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Shodno naprijed navedenom kantonalna urbanističko-građevinska inspekcija nastavlja voditi inspekcijski nadzor nad radom općinske urbanističko-građevinske inspekcije na način da je od općinske urbanističko-građevinske inspekcije zatraženo da nastave postupak inspekcijskog nadzora shodno utvrđenom stanju, odnosno shodno odgovorima vodne i ekološke inspekcije Kantona Sarajevo, te će o utvrđenom činjeničnom stanju i eventualno poduzetim mjerama dostaviti informaciju.

### **3. Informacija kantonalne vodne inspekcije:**

Kantonalna vodna inspekcija Inspektorata poljoprivredne, vodne i šumarske inspekcije je povodom dopisa kantonalne urbanističko-građevinske inspekcije, dostavila informaciju broj: UP-I-14-04-21-05275/21 od 08.03.2021. godine, u kojoj se navodi sljedeće: "Zakonom o vodama ( "Sl. novine FBiH", broj 70/06) shodno članu 110. istog za ovakvu vrstu objekta nije potrebno pribavljanje vodnih akata, niti je vodna inspekcija nadležna za bilo kakvo poništenje upotrebne dozvole za objekte za koje se ne pribavljaju vodni akti, što je slučaj i za navedeni objekat iz dopisa .

S tim u vezi, ostavljamo mogućnost eventualnog postupanja nadležne komunalne inspekcije, shodno Zakonu o komunalnim djelatnostima ( "Sl. novine Kantona Sarajevo " broj: 14/16, 43/16, 10/17-isp,19/17, 20/18, 22/19 ) i nadležne građevinske inspekcije, shodno Zakonu o prostornom uređenju Kantona Sarajevo ( "Sl. novine Kantona Sarajevo br.24/17, 01/18). "

Inspekcijski postupak je završen i nisu utvrđene nepravilnosti.

### **4. Informacija kantonalne inspekcije za hranu:**

Dana 23.02.202. godine inspektor za hranu Kantonalne uprave za inspekcijske poslove KS, zaprimio je na nadležnost i ev. postupanje informaciju kantonalne komunalne inspekcije. Po zaprimljenoj informaciji postupajući inspektor je izvršio nadzor u KJKP "Vodovod i kanalizacija" d.o.o. te naložio da se izvrši fizičko-hemijska i mikrobiološka kontrola vode na navedenom naselju Bulevar. Subjekt je postupio po naloženom, te izvršio kontrolu pitke vode u poslovnom dijelu zgrade. Dana 04.03.2021. inspektor je obavijestio da je završena analiza vode. Dana 05.02.2021. godine postupajući inspektor je pristupio u prostorije KJKP "Vodovod i kanalizacija" d.o.o. u ulici Jaroslava Černija 8, prilikom čega su predočene analize koje su rađene i koje odgovaraju shodno zakonskim propisima. Također prisutni nadzoru je izjavio da je prije 05.02.2021. godine, po istom zahtjevu zastupnice Danijele Kristić, JU Zavod za javno zdravstvo KS izvršilo kontrolu ispravnosti pitke vode na istom objektu. Uzeta su tri uzorka vode na tri različita mjesta i sva su bila uredna.

Inspekcijski postupak je završen i nisu utvrđene nepravilnosti.

### **5. Informacija kantonalne inspekcije zaštite okoliša:**

Povodom zastupničkog pitanja o vodosnadbijevanju naselja Bulevar na Stupu i dopisa Ureda za borbu protiv korupcije i upravljanja kvalitetom u Kantonu Sarajevo, kantonalna urbanističko-građevinska inspekcija dostavila je na znanje i eventualno nadležno postupanje ovoj inspekciji dopis/upit vezano za kapacitet parkirnih mjesta u naselju Bulevar i činejnicu da za iste nisu



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

utvrđene mjere zaštite od strane nadležne službe Općine Ilidža niti je za isto izdata okolinska dozvola.

Tim povodom, postupajući inspektor zaštite okoliša po ovlaštenju je hitno pokrenuo postupak inspeksijskog nadzora na navedene okolnosti a shodno nadležnostima. Odmah je kontaktiran investitor naselja Bulevar, pravno lice Tibra Pacific d.o.o., nakon čega je na osnovu izjave Eldina Smajića, koordinatora u navedenoj firmi, utvrđeno da investitor ne posjeduje okolinsku dozvolu za parking mjesta u naselju Bulevar. Postupajućem inspektoru je na zahtjev dostavljena informacija investitora o broju parking mjesta u naselju Bulevar, te je uvrđeno da su u 9 lamela, koliko ih ima u naselju Bulevar, dvije podrumске etaže određene za parkiranje. Broj podzemnih parking mjesta, na osnovu dostavljene informacije u lamelama je 699. Prema saznanju postupajućeg inspektora u naselju Bulevar se koristi i površinski parking, ali broj parking mjesta nije utvrđen.

U cilju preciznog utvrđivanja svih neophodnih činjenica za dalje vođenje postupka postupajući inspektor je Službi za urbanizam Općine Ilidža uputio dopis broj: UP-1-14-06-19.2-05779/21 od 05.04.2021 godine, kojim se traži dostava informacije o tačnom broju površinskih parking mjesta i parking mjesta u lamelama. Nakon urgencije ovog organa, dostavljena je informacija u kojoj je nadležni općinski organ potvrdio podatak o 699 mjesta u podzemnim garažama. Nadležni organ nas je istovremeno obavijestio da nema podatak o broju nadzemnih-parternih parking mjesta uz obrazloženje da će isti biti definisan tek nakon što investitor podnese zahtjev za urbanističku saglasnost za vanjsko uređenje. Pored toga, u cilju efikasnosti, postupajući inspektor je usmeno kontaktirao savjetnika za okolinske dozvole pri Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, koja na osnovu raspoloživih činjenica izjavi da za naselje Bulevar nije izdata okolinska dozvola niti je takav zahtjev bio dostavljen Ministarstvu. Također, naglašeno je da se ukupan broj parking mjesta zbraja, te bi se po precizno utvrđenom broju podzemnih i površinskih parking mjesta odredila stvarna nadležnost za izdavanje okolinske dozvole, odnosno odredilo bi se da li se zahtjev podnosi kantonalnom ili federalnom ministarstvu.

U vezi sa naprijed navedenim posebno napominjemo da podzemne garaže shodno kapacitetima spadaju u pogone i postrojenja za koja se obavezno provodi procedura izdavanja okolinske dozvole ( čl. 3. Pravilnika o pogonima i postojenjima koji mogu izgrađeni i pušteni u rad samo ako imaju okolinsku dozvolu "Sl. novine Kantona Sarajevo ", br.8/11). Kantonalno ministarstvo nadležno je za izdavanje okolinske dozvole za sljedeći kapacitet: 350-750 parking mjesta za površinsko parkiranje, za više od 350 parking mjesta u poluukopanim garažama i za više od 250 parking mjesta u ukopanim garažama sa vještačkom ventilacijom. Federalno ministarstvo okoliša i turizma izdaje okolinske dozvole za kapacitet veći od 750 parking mjesta.

Dana 16.04.2021. godine sačinjen je zapisnik sa predstavnikom investitora Tibra Pacific d.o.o., a na osnovu utvrđenog stanja poduzete su sljedeće mjere:

- donijeto rješenje broj: UP-1-14-06-19.2-05779/21 od 22.04.2021.godine kojim se investitoru nalaže da u roku od 15 dana od dana prijema rješenja podnese zahtjev za izdavanje okolinske dozvole Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo. Izvršenje rješenja će se pratiti po službenoj dužnosti, a u skladu sa utvrđenim biće poduzete sve odgovarajuće zakonom predviđene mjere.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)


Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Inspekcijski postupak kantonalne inspekcije zaštite okoliša je u toku, o dalje provedenom postupku biće dostavljena informacija .

Napominjemo, da je Ured za borbu protiv korupcije i upravljanjem kvaliteta Kantona Sarajevo zatražio od KUIP-e dostavu informacije o *postupanju po ovom zastupničkom pitanju sa podacima o poduzetim inspekcijskim radnjama i eventualno naloženim mjerama, te je tim povodom 22.04. 2021. godine Uredu dostavljena tražena informacija.*

*S poštovanjem,*



- Dostavlja se:*
- 1. Predsjedavajući Skupštine KS*
  - 2. Sekretar Skupštine KS*
  - 3. Sekretar Vlade KS*
  - 4. a/a*



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb